

约章分类辑要

約章分類輯要卷三十八目錄

各國賽會門

章程

美國賽奇會章程

法國賽奇會章程

英屬奧大利亞洲北雪梨埠賽珍大會章程

英國新金山省咩利益盆省城賽會照會

德國捕魚會章程

和國街奇會章程

擬辦和國大會章程

增擬辦和國大會章程

英國賽魚會章程

附賽魚會分類表共七類

德國韓卜城牲畜賽奇會章程

照錄會條號單信內格式

以上賽會章程

約章分類輯要卷三十八

各國賽會

章程

美國賽奇會章程

總理衙門咨准美國公使照會稱丙子年三月係本國定鼎開基百載之期特開賽奇公會希請咨行南北洋大臣曉諭工匠商民將土產奇珍製造精巧之物官爲經理運送本國並請派員赴賀惟希於甲戌正月十六日前將赴賀大臣銜名及陳物之地約用幾何詳細照知以便備辦並將章程十條記載一扣先爲附送此後尙有未盡章程定妥再爲分送前來查前次奧國曾在本國開設聚珍大會經本衙門咨行

南北洋大臣飭屬曉諭並劄行總稅務司在案茲美國亦因設立賽奇公會照會前來核與奧國事同一律相應抄錄照會並章程十條記載一扣咨行轉飭辦理同治十二年十二月十一日咨北洋

附錄美國照會並章程十條

爲照會事照得丙子年三月係本國定鼎開基百載之期受萬福之庥傳祚久遠理宜共慶昇平同修紀瑞茲百姓爲願特開賽奇公會以昭本國人才技藝之增巧且詳佈海內萬國各篤兄弟之誼同敦和睦之好而耆老會將此公會一切規式已於去歲佈達屬知本大臣茲奉旨爲本國開此公會已經在噴哩噠噴城採擇寬廣地址築修宏濶華麗堂宇希

各國將窑農織工六藝各屬精巧器皿物件送往本國共相比賽庶見人才之敏妙而昭和好之固誠且令各國之民相爲交導不患言語之不通而一見其物之作法洞明於心不待言而直如教習焉使出奇者益加勉勵由此日有進益互以巧思省力之法共得利用雖以前有嫌疑之國至此漸爲消釋矣從此國與國相親民與民相近皆有富強之效其民焉有因嫉富嫌貧之心致生不睦之意哉此公會非爲一人實爲萬眾非爲一國實爲萬國所以奧國曾照各國之例開立此會時中國與日本皆派員往赴且中國與日本之民由此多得名譽照牌足見中外同慶天下一家傳揚各國共爲讚美今本國正屆丙子百載開國週期茲照會貴親王希卽

咨行南北洋大臣轉飭各屬曉諭工匠商民將天生妙品土產奇珍製造精巧之物博雅古董之類官爲經理運送本國亦酌免稅課况此公會作慶賀之舉諒貴親王必將此役應派委大臣赴賀之意婉轉具陳並經理各海口運物事宜意見和睦之邦如中國之與美國可謂肫摯矣惟希於甲戌正月半十六日前將赴賀大臣銜名及陳物之地約用幾何詳細照知俾本國執掌公會大臣備辦妥協以便陳列中國奇貨俟照復本大臣具陳公會得書後便將公會堂牌圖式貨物門類一冊分送備查謹將現定章程十條記載一扣先爲附送此後尙有未盡章程定妥再爲分送理合照會十二月

十一日

蓋自合眾由乾隆乙未年開國以來至光緒丙子年三月係百載週期正值開立賽奇公會之際特借此公會以作慶賀者非僅誌一時之盛典實有關係億兆之經營考自往古人尚文風政治國家尊崇士類而遂以工商農業爲末務歷年非不久遠究無利民之效近世風俗丕變爲政者咸知以利於民用爲先故格物之學尙焉萬民日用之際自農具女工兵器以及百工技藝制作衣食服用之事物無不借力於機器而機器之法無不出金石水火化學算學之中精於藝術之極爲出類拔萃者然其技雖精其物雖巧若無比較以勸勉之究不能實有進益故於前二十年創此賽奇公會令天下萬國之民各出珍奇之物聚於一處相爲比賽有出奇者

或顯揚其名或給照牌或給憑據其緊要本原之意全在使民身安心樂智增藝長之間其法最良其意最美故二十年來各國皆有暢行此會焉卽如前二十二年辛亥在英倫敦京城乙卯在法巴里京城壬戌仍在倫敦丁卯又在巴里三五年一輪至癸酉奧國亦遵照開立此會其始於法京時僅本國各省公會漸立各國公會其堂宇之地初不過六十畝漸增至三百畝而送物之民自一萬五千人漸增至三萬人游覽者自六百萬人增至千數百萬人費銀自二百萬元或至他國則增至千萬元而辦奇大使或三百或六百所建堂宇始卽精巧後更靈妙故倫敦有水晶宮之目至法京丁卯開會時愈極美好殿宇宏廠圓頂如蓋重關複室層次井然

其陳物之所分門別類重疊儼如珠網令遊人一目了然俄頃之間各邦遊遍真奇觀也癸酉奧國在佛哈吶城特開此會其堂宇寬宏無殊英法長樓飛閣圓頂如籠文窗網戶皆玻璃所成渾淪浩渺恍置身於水晶宮闕也且於此公會中國與日本皆深體此美意諭令工藝運物往赴此會可見人皆慕善中外有同心焉從此益篤和好數年一會民之智勇既增國之利益非少日新月盛其民之工巧自不亞於天下友邦矣故美國在丙子年繼往開來擴充此賽奇公會特於噴哩哋噴城景山園內出銀千萬元於辛未正月早經專派各大臣執掌賽奇公會借以作慶賀本國百載週期之舉溯念美國疆土初止十三省現已四十七省民人初止三百萬

現已四千萬且皆性生靈巧能致富強生齒板冊每二十年
卽增一倍其堂址寬廣三畝至於複室重閣亦俱修於新建
宮廷殿宇之內令其縱橫層次井井有條橫分豎隔縷晰條
明以列萬國珍奇品物且於預先將奇物分別何門何類何
等何款何綱何目一一彙集成編不惟於美國聚賀之舉同
深慶幸且於友邦氣誼之際益見真誠謹將創立賽奇公會
及擴充接續開會之意並美國借此公會作賀之舉詳述顛
末爰爲誌之以備查考

一丙子年之各國賽奇公會欲開設於噴哩噠噴城在西歷
一千八百七十六年

二開賽會之日卽丙子年三月二十五日至九月二十五日

止畢

三本國乘此甘誠特請天下萬國各出奇珍異寶送往公會以技藝勤能生理進益增長之處代爲顯揚其名

四於甲戌正月十六日之前詳明答復是否赴請

五其赴請各國應派數員經理干係本國事務並請預先特派一員駐札噶哩喇噶城至賽會完結之日以期便於交往妥協監理之事

六惟所赴請答復揀派數員之國之民准許送物擺列之分且來往文信應由所派各國之員轉送

七於乙亥年正月二十七日以前各國之員應知照執掌百年公會者詳請應用若干地方特歸其民陳列其地或在公

會殿內或在屬下附近廳院

八共事赴請各國所派之員將來得授詳細繪畫公會殿園圖式備用

九各色陳列之物或在乙亥年十二月初五日或在以前應到噴哩哋噴城以便合當分列門類且令各得其所

十美國耆老會所立干係稅務章程及稅課等之律例並執掌百年公會者所立干係運物分派處所陳列分類暨備各機器所用汽力保安巡役等事件以及別項需用便於顯明收存物件之各專條迅速通知共事各國使臣

附錄給美國照會

爲照復事同治十二年十二月十一日准照會稱丙子年三

月係本國定鼎開基百載之期特開賽奇公會希卽咨行南北洋大臣曉諭工匠商民將土產奇珍製造精巧之物官爲經理運送本國並將章程十條記載一扣先爲附送此後尙有未盡章程定妥再爲分送等因前來除由本衙門據文行知南北洋通商大臣轉飭所屬曉諭各工匠商人等知悉並劄飭總稅務司選派委員外相應先行照復

爲曉諭事同治十三年正月初三日蒙

欽差閣爵督憲李劄開准總理衙門咨開同治十二年十二月十一日准美國駐京大臣照會稱丙子年三月係本國定鼎開基百載之期特開賽奇公會已經在噴哩咄噴城採擇寬廣地址築修宏濶華麗堂宇希各國將窑農織工六藝各

屬精巧器皿物件送往本國共相比賽庶見人才之敏妙使
出奇者益加勉勵由此日有進益互以巧思省力之法共得
利用希咨行南北洋大臣轉飭各屬曉諭工匠商民將土產
奇珍製造精巧之物運送本國並附送章程十條記載一扣
等因相應咨行轉飭查照奧國成案辦理等因到本大臣准
此合亟劄飭遵照辦理等因蒙此合行出示曉諭爲此示仰
工商人等一體知悉如有願持精奇之物送往美國公會比
較者應照奧國向章悉聽其便特示同治十三年正月初六
日津海關示

爲曉諭事案查前蒙

欽差閣爵督憲劄准

欽命總理各國事務衙門咨轉准大美國欽差大臣照會內
稱丙子年三月係本國定鼎百載之期特開賽奇公會如有
精奇之物共相比較咨行查照成案出示曉諭行令遵照等
因當經本道出示曉諭在案茲於光緒元年四月十二日蒙
欽差閣督憲李制准

欽命總理各國事務衙門咨准大美國欽差大臣艾照會內
稱本國擬開賽奇會一舉前曾定於西歷一千八百七十六
年四月十四日起至十月十四日止現展期一月改爲五月
初十日起至十一月初十日止照會咨行轉飭各屬查照辦
理行令查照等因蒙此合行出示曉諭爲此示仰工商人等
一體知悉特示光緒元年四月十二日津海關示

附錄稅務司辦理中國等物赴會告示章程

爲曉諭事照得光緒二十二年爲美國定鼎百年之期特開賽物公會現經總理衙門派總稅務司督理中國寄物赴會等事經總稅務司選派東海關稅務司德駐劄上海總辦牛莊天津煙臺漢口九江鎮江上海甯波等處寄賽事務凡南北兩洋士商人等欲寄貨物赴美國賽沽者均可交德稅司代爲妥寄現設公所於北京路造冊處內茲將辦理章程開列於左

一凡寄物赴會者應將物名價目開單報關或報公所聽候查核收單日期自本月二十日爲始

一凡報寄之物經公所核准定於十二月初五日起至明年